



# basic education

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**ISINDEBELE ILIMI LOKUTHOMA LOKWENGEZA (FAL)**

**IPHEPHA LOKUTHOMA (P1)**

**2022**

**IMITLOMELO: 80**

**ISIKHATHI: Ama-iri ama-2**

**Iphepheli linamakhasi ali-13.**

## YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.  
ISIGABA A: Ukufunda nokuzwisisa (30)  
ISIGABA B: Ukurhunyeza (10)  
ISIGABA C: Izakhi nemithetjhwana yokusetjenziswa kwelimi (40)
2. Phendula YOKE imibuzo.
3. Thoma isigaba ESINYE NESINYE ekhasini ELITJHA.
4. Thalela ngemva kokuphendula imibuzo YESIGABA NGASINYE.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda OWODWA ngemva kwaleyo naleyo pendulo.
7. Yelela bona upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokutlola ISIGABA NGASINYE:  
ISIGABA A: Pheze imizuzu ema-50  
ISIGABA B: Pheze imizuzu ema-20  
ISIGABA C: Pheze imizuzu ema-50
9. Tlola kuhle ngesandla esibonakalako.

**ISIGABA A: UKUFUNDA NOKUZWISISA****UMBUZO 1**

Phendula UMBUZO 1.1 KANYE NOMBUSO 1.2.

1.1 Fundisisa itheksthi engenzasi bese uphendula imibuzo elandelako.

**ITHEKSTHI A****AMASEWULA AFRIKA ADOSA EMHLWENI KEZOMNOTHO**

- |   |  |                |
|---|--|----------------|
| 1 | Ukusukela ngomnyaka wee-2020 umnotho enarheni yeSewula Afrika wehla khulu. Izinga lomnotho nalehlako liba nomthelela kizo zoke izinto. Ukudla kubiza khulu, kukhuphuka iimbaseseli kanti lokhu kugcina kuthinte nemisebenzi yabantu. Izinga lokungasebenzi lakhuphuka ngendlela ebabazekako. Ukwehla komnotho sekuyindaba ehlala iseendabeni kibomabonakude nemirhatjhwani. Amabubulo amakhulu namancani, umkhakha wezenjiwa nezokuvakatjha neminye imisetjenzana eqotjha ukatsu eziko yabandakanyeka. Amamabubulo abetheka khulu agcina aphungule abasebenzi kodwana amanye asungula iindlela zokusindisa imisebenzi yabantu bona imindenabo ikghone ukuphila nanyana umnotho wehle kangaka. Amabubulo la azange abaphungule abasebenzi kodwana abavumela bona basebenze ngokudlhegana, amanye aphungula imirholo ukwenzela bona babe nelitho abalitholako.                         | 5<br>10        |
| 2 | Abantu abazisebenzako nabanamarhwebo amancani anjengewobuhle, nathengisa ukudla awasangenisi imali enengi. Abantu abasazitshwenyi ngokuzilungisa babe bahle ngombana imadlana encani abayitholako iqale okuya ngethunjini. USindiswa Mbonani werhwebo lobuhle eJwanasbhege kwafanela bona ahlukane nabasebenzi bakhe abasithandathu ngebanga lokobana irhwebo lakhe belingasaragi kuhle. Amakhamphani amakhulu kaRhulumende anjengeSouth African Airways kwasala kancani bona avalwe ngebanga lokobana aneenkolodo begodu bekangasangenisi imali, kwabe kwafanela bona atjhejwe. Okubuhlungu khulu kukobana kwagcina kudilizwe abasebenzi nokwenza bona imindeni yabo idobhe phasi. Kwaba njalo-ke nbasebenzini bakwa-SABC bagcina badiliziwe. I-Eskom nayo ingenye yamakhamphani kaRhulumende ebonakala ingasangenisi imali ngebanga lomraro wokobana umphakathi awuyiphathi kuhle. | 15<br>20<br>25 |
| 3 | Ukuya ngombiko we <i>Statistics South Africa</i> okhutjhwé ngoSeptemba emnyakeni wee-2020 ibubulo leVakatjhobukela lehle ngamaphesenthe ama-67. Umnotho udzimelele khulu kilomkhakha ngombana iSewula Afrika yinarha enothe khulu ngezemvelo. Abantu bakezinye iinarha beza kilenarha nabafuna ukubona iimbandana ezibizwa ngeBig 5 njengeendlulamithi nezinye. Bayindlala-ke abantu abavakatjhako ngebanga lokutlhoga imali kanti abanye kungebanga lokungasafuni ukuphithizela hlanguana nabantu abanengi. Lelibubulo lithinta imihlobo  | 30<br>35       |

	yoke yeenthuthi njengeemphaphamtjhini, iinteksi neenkoloyi eziqatjhwako ngombana abantu nabathatha amakhambo basebenzisa zona. Ukutlhogeka kweemvakatjhokhu kubuye kube nomthelela omumbi eendaweni zokudla nezokulalisa abantu. Abasebenzi bagcina baphungulwa-ke nakunjalo.	40
4	<p>Abasebenzi bakaRhulumende nabo bakhihla isililo kezeemali. URhulumende ubhalelwe kubakhuphulela ngitjho nepeni emirholwenabo kodwana amatjhorensabo namaMedical Aid akhuphukile. linyonyana zabasebenzi abangaphasi kwe-COSATU njenge-SADTU, zahlongoza nokutjhagala emva kobana uRhulumende abethe ngenyawo phasi bona nakilomnyaka wee-2021 angeze ayikhuphula imirholo. Kube nehlebezana ethi namabhonasi azokuphungulwa. Koke lokhu kungebanga lomnotho orhurhuba phasi. Abomabhalana emiNyangweni kaRhulumende balila nangokungezeleleka komsebenzi abawenzako. Omunye wabo nakathatha umhlalaphasi nofana walisa emsebenzini akasajanyiselelwa, umsebenzakhe unikelwa abaseleko. Okubuhlungu khulu kukobana nanyana bangasebenza ngaphezu kwama-iri ababekelwe wona, abasabhadelwa.</p>	45 50 55
5	Umraro wokutlhogeka kwemali ubambe neensebenzi zemayini. Kuneemayini ezinengana ezaphungula imirholo yabasebenzi kanti ezinye zaphungula bona abasebenzabo. Matluhwise ngombana umuntu uthethe iminyaka eminengi afundela ibizelo alithandako kodwana akhutjhwemsebenzini. Abasebenzi beentolo khulukhulu lezi ezisemadorobheni neziseenthabatheni zeentolo azange ziphephe kilomraro. Abasebenzi beentolo zezambatho ezifana nabo-Edgars bazifumana basemakhaya ngombana zagcina zivaliwe ngebanga lokungasangenisi imali.	60
6	<p>Indaba yokobana abantu bangasabuthelana endaweni yinye ithinte umkhakha wokuzithabisa. Abavumi nabanandisi abanengi abasakghoni ukwenza imali ngombana iminyanya yabantu abatjha iyindlala. Bakatelelekile bona umvumo wabo bawuthengise <i>online</i>. Abatjha abafuni njalo, bafuna ukugidinga nabo bababone ngamehlo wenyama. Umkhakha womvumo nawo bewudlala indima ekwakheni amathuba wemisebenzi. Namhlanje iintolo ezifana naboMusica zivaliwe. Ukutlhogeka kweminyanyokhu kwehlise nezinga lokuthengwa kotjwala. Amakhamphani afana ne<i>South African Breweries</i> abaphungula abasebenzi. Ukutlhogeka komsebenzi nokuwa komnotho kuba nomthelela omumbi emndenini, emphakathini nenarheni mazombe. Emndenini nakutlhogeka imali akubi nepilo ehle ngitjho nemphakathini imbala. Abatjalimmali naboke bayalayelisa enarheni yeSewula Afrika.</p>	65 70 75
	[Ithethwe ku-inthanethi yatjhugululelwa esiNdebeleni]	

- 1.1.1 Ukuya ngesigaba soku-1 setheksthi engehla le kuthiwa wathoma nini ukwehla khulu umnotho? (1)
- 1.1.2 Veza imiphumela emimbi elethwe kukwehla komnotho enarheni yeSewula Afrika ukuya ngesigaba soku-1 etheksthini engehla le. Ipendulwakho ayibe maphuzu AMABILI. (2)
- 1.1.3 Tlola iindlela ezasungulwa mabubulo amanye ukusindisa imisebenzi yabantu. Ipendulwakho ayibe maphuzu AMABILI. (2)
- 1.1.4 Veza ibizo lehlango eyakhupha umbiko wokobana umkhakha wezeVakatjhobukela wehlile. (1)
- 1.1.5 Tlola okufanako okwenziwa yikhamphani yakwa-SAA neyakwa-SABC nasele zinomraro kezomnotho. (1)
- 1.1.6 Hlathulula isiqunto esibuhlungu esathathwa nguSindiswa Mbonani nasele abona irhwebo lakhe lingasaragi kuhle. (1)
- 1.1.7 Ngokurhunyezweko hlathulula unobangela owenza bona abavakatjhi babe yindlala enarheni yeSewula Afrika. Ipendulwakho ayibe maphuzu AMABILI. (2)
- 1.1.8 Ucabanga bona ngisiphi isenzo somphakathi esibangela bona ikhamphani yakwa-Eskom ingasangenisi imali enarheni le. (1)
- 1.1.9 Phendula isitatimende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA. (2)
- Emndenini nakutlhogeka imali akubi nepilo ehle. (2)
- 1.1.10 Ngaphandle kweembandana ezikhona enarheni yeSewula Afrika ucabanga bona ngikuphi okhanye okudosa iimvakatjhi ezivela eenarheni zangaphandle? Ipendulwakho ayibe maphuzu AMABILI. (2)
- 1.1.11 Khetha ipendulo enembako kezilandelako. (1)
- Unobangela wokobana abantu bangasavunyelwa ukubuthelelana ndawonye kusukela emnyakeni wee-2020 kukobana:
- A Abantu vane bagcine balwa.  
B Kugcina kuba nobulelesi obunengi.  
C Abantu nababanengi batlhorisa abavumi.  
D Kusuke kwaqubuka ubulwele be-Covid 19. (1)
- 1.1.12 Ucabanga bona ngimuphi umthelela omumbi obakhona emphakathini abantu abanengi nabangasebenziko. Ipendulwakho ayibe maphuzu AMABILI. (2)

- 1.1.13 Ucabanga bona kubayini abanye abatjaliimali bagcina bakhambile enarheni yeSewula Afrika umnotho nawehlileko. Ipendulwakho ayibe liphuzu ELILODWA. (2)
- 1.1.14 Ngokubona kwakho ucabanga bona kusiqunto ESIHLE nofana ESIMBI bona nakwehle umnotho abasebenzi bakaRhulumende batjhagale nangabe abakhutjhulelwa imirholo? Ipendulwakho ayibe liphuzu ELILODWA. (2)
- 1.1.15 Tshwaya ngelihlo elibukhali ngomthelela oba khona ebafundini abaseenkolweni lokha abantu abanamabizelo ebawafundeleko nabadilizwako nofana nabangatholi imisebenzi. Ipendulwakho ayibe liphuzu ELILODWA. (2)
- 1.2 Qalisisa isithombe esingenzasi bese uphendula imibuzo elandelako.

**ITHEKSTHI B**[Sithethwe ku-[www.images.com](http://www.images.com)]

- 1.2.1 Ngamaphuzu AMABILI hlathulula bona kwenzekani esithombeni esingehlesi. (2)
- 1.2.2 Ucabanga bona baya kuphi abantu abavezwe esithombeni esingehla? Ipendulwakho ayibe liphuzu ELILODWA. (1)
- 1.2.3 Nawuqalisisa isithombe esingehla ucabanga bona umuntu ojame emnyango wesithuthi wenza wuphi umsebenzi endaweni le? Ipendulwakho ayibe liphuzu ELILODWA. (1)
- 1.2.4 Tshwaya ngelihlo elibukhali umthelela owabakhona ebanikazini bamateksi ngemva kokuqubuka kobulwele be-Covid 19. Ipendulwakho ayibe liphuzu ELILODWA. (2)

**IMITLOMELO YESIGABA A: 30**

**ISIGABA B: UKURHUNYEZA****UMBUZO 2**

Fundisisa itheksthi engenzasi bese uyayirhunyeza ngamaphuzu ali-7 amayelana **namabhizinisi ongawenza kezokulima.**

**IMIYALO:**

1. Amagama angadluli kwama-60.
2. Nombora imitjhwakho kusukela kewoku-1 bekufike kewe-7.
3. Umutjho NGAMUNYE owutlolako awube nomqondo OWODWA opheleleko.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho, ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo sakho.

**ITHEKSTHI C****AMABHIZINISI ONGAWENZA KEZOKULIMA**

Umnotho wenarha yeSewula Afrika udzimelele khulu kezokulima. Umkhakha lo ngiwo okghona ukuvula amathuba wemisebenzi. Lokho kwenza umnotho uthuthuke ngendlela ekarisako. Abantu bakghona ukuthola ukudla okwaneleko ekuvela emkhakheni wezokulima. Nanyana kunjalo abantu abanengi abanalwazi elaneleko ngemihlobo yamabhizinisi atholakala emkhakheni lo. Inengi lizicabangela ngokutjalwa kwesiphila, imirrorho nokhunye. Equisweni manengi amabhizinisi umuntu angazifumana angene kiwo lokha nakanetjisakalo yokuthoma ibhizinisi kezokulima.

Umuntu onetjisakalo angaqala kilawa aziintjhebo nabonakala athengwa ngiwo woke umuntu. Thoma ibhizinisi lokutjala imirrorho enjengamazambana, ikhabitjhi nokhunye. Lo mhlobo webhizinisi uthuthuka khulu ngombana bezepilo bakhuthaza bona imirrorho ayihlale ikhona ekudleni komuntu ngaso soke isikhathi. Ukutjala iinthelo ezinjengama-apula, amabhanana, nezinye ezinengi nakho ngomunye umhlobo webhizinisi. Ungakghona ukutjala bewuthengisele iintolo ezikulu. Ungafuya iinkomo zebisi ukghone ukusenga ukhiqize ibisi ulithengisele iintolo ezikulu. Khumbula bona ibisi likghona ukwenza eminye imikhiqizo eminengi. Ungathoma ibhizinisi lokuthengisa iinkukhu eziphilako nofana ezihlatjiweko. Lingelinye lamabhizinisi asebenza msinya khulu ngombana inyama yekukhu ithengwa khulu eSewula Afrika.

Inyama idliwa qobe lilanga, lokho kwenza kube tjhatjhalazi bona ukufuya kungenisa imali ehle tle. Nawunendawana eyaneleko ungafuya iinkomo, izimvu, neemfarigi, imali izokuthi yetjhe kuwe. Ungakghona ukutjala bewuthengisele imithi ehlukeneko uyithengisele abantu abayifunako. Kungaba mimithi edliwako, yomthunzi nanyana le ekuhlotjiswa ngayo. Inarha yihle namhlanje ngebanga lemithi etjalwe kiyo. Ngamalanga wamatluhuwo njengalokha kunemingcwabo nofana kunomuntu ogulako nangamalanga wethando njenge *Valentines Day* abantu bathanda ukuthenga amathuthumbo. Ungatjala amathuthumbo uwathengisele iintolo nofana abantu. Asiliseni ukuhlala sisonge izandla silindele ukuphiwa imisebenzi nguRhulumende.

[Ithethwe ku-inthanethi yatjhugululelwa esiNdebeleni]

**ISIGABA C: IZAKHI NEMITHETJHWANA YOKUSETJENZISWA KWELIMI****UMBUZO 3: ISIKHANGISO**

Qalisisa isikhangiso esingenzasi bese uphendula imibuzo elandelako.

**ITHEKSTHI D****MABIZWASABELE CONFECTIONARY**

**USADOSA EMHLWENI NAWUNOMNYANYA, ISIFO NOFANA IPHATHI  
NGOMBANA USABHAGA NGOPURURWANA WESITOFU?  
UMTLHAGWAKHO AWUBAMBE ENGANATJANI!** Sikubhagela amakuke  
namakhekhe amihlobohlobo nathontisa amathe ngokukopheza kwelihlo. Yewize  
ubize nabanye!



Imibandela

- Kusetjenzwa ngoMvulo kufikela ngeLesine.
- Sibhagela abafuna imigodla edlula kemibili.
- Nawuletha iintlabagelo zokubhaga uzibuyelela kabili.

[Sithethwe ku-[www.images.com](http://www.images.com)]

- 3.1 Tlola umsebenzi owenziwa kwaMabizwasabele *Confectionary*. (1)
- 3.2 Ukuya ngesikhangiso esingehlesi ngibaphi abantu emphakathini abangathabela ukwenzelwa umsebenzi yiMabizwasabele *Confectionary*. (2)
- 3.3 Ucabanga bona kubayini igama elithi '*Confectionary*' litlolwe butjigama. Ipendulwakho ayibe liphuzu ELILODWA. (1)
- 3.4 Ucabanga bona khuyini okungaqotha abantu erhwebeni lakwaMabizwasabele *Confectionery*? Ipendulwakho ayibe liphuzu ELILODWA. (2)



3.5 Khetha ipendulo enembako kilezi ezilandelako.

Ibizo elithi 'Mabizwasabele' lakhiwe ngeenkhekhe zekulumo ezilandelako.

- A Senzo nesenzo.
- B Bizo nebizo.
- C Bizo nesenzo.
- D Senzo nesiphawulo.

(2)

3.6 Tshwaya ngelihlo elihlabako bona ngiwaphi amaqhinga wokukhangisa angakavezwa esikhangisweni esingehla angenza bona iMabizwasabele Confectionary ingabi nepumelelo. Ipendulwakho ayibe liphuzu ELILODWA.

(2)  
[10]

#### UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

#### ITHEKSTHI E



[Sithethwe ku-[www.images.com](http://www.images.com)]

4.1 Tlola isirhunyezo segama elithalelweko emudeni ongenzasi.

Dorhodera Masilela utjho bona ayikho into ongayenza ukusindisa ipilwami le.

(1)

4.2 Tlola igama elibolekiweko ekhathunini engehla.

(1)

- 4.3 Dzubhula umuda omumethe ilimi elinezwelomagama osetjenziswe ekhathunini engehla, bewutjho nokobana liveza wuphi umqondo wezwelomagama. (2)
- 4.4 Ikulumo ethi; 'okumbi kukobana ibamba abantu abadala kwaphela' inobuhlangothi nofana inebandlululo. (1)
- 4.5 Ucabanga bona uyini umsebenzi womuntu osenomborweni yoku-1 ovezwe ekhathunini engehla le? Sekela ipendulwakho ngamatshwayo AMABILI asekhathunini. (2)
- 4.6 Khetha ipendulo enembako kilezi ezilandelako.
- Ikulumo ethi; 'Nangabe usafuna ukuphila hlala ufake imaski imumethe ilimi ...
- A lokudlelezela.  
B lokurogela.  
C lokwenzisa.  
D lokuncenga. (1)
- 4.7 Tshwaya ngelihlo elibukhali isenzo sokusonga imikhono kwakababa wesi-2 lo bona sisitjelani ngendlela azizwa ngayo? Ipendulwakho ayibe liphuzu ELILODWA. (2)

**[10]**

**UMBUZO 5**

Fundisisa itheksthi engenzasi bese uphendula imibuzo elandelako.

**5.1 ITHEKSTHI F**

Ubaba kaMfungelwa unesithabathaba somuzi ngombana wathatha abafazi abathathu. UNoMfungelwa mfazi wokuthoma. Ubaba lo unabentwana abali-13. Boke basafunda, abekho abasebenzako. Amasiko ayalandelwa. Qobe mnyaka kuyathonjiswa, nalokha ikosi nayithabileko kuyawiselwa. UMfungelwa yena linghana ngokwentanga. Nawungavakatjha ngepelaveke ubathole basekhaya boke, ungacabanga bona banebhujwana. Umndeni lo awudli izambane leponde kodwana unomzana ulinga ngawo woke amandla ukuqotha ukatsu eziko. Akanawo umsebenzi othe tjha kodwana ubamba amatorhwana. Abafazaba nabo babambene, akukho ukunghwarana. Abantu bayazibuza bebaziphendule bona uSoMfungelwa wayitholaphi ipengu yebumbano le. Kwamambala emzini lo kunethando nokuthula. Sengathi kunganda bekufike esizukulwaneni sezizukulwana.

- 5.1.1 Buyelela utlole umutjho ongenzasi bese ujamiselela inomboro ethalelweko ngamagama.  
Ubaba lo unabentwana abali-13. (1)
- 5.1.2 Ngokuyelela imithetho yokutlola nokupeleda isiNdebele buyelela utlole umutjho ongenzasi ngendlela efaneleko.  
UMfungelwa yena linghana ngokwentanga. (1)
- 5.1.3 Khupha isithomo nesiqu ebizweni elithalelweko emutjhweni ongenzasi.  
Abantu bayazibuza bebaziphendule. (2)
- 5.1.4 Buyelela utlole umutjho ongenzasi bese ujamiselela igama elithalelweko ngeliphikisana nalo.  
UNoMfungelwa mfazi wokuthoma. (1)
- 5.1.5 Buyelela utlole umutjho ongenzasi uveze ukuvuma.  
Umndeni lo awudli izambane leponde. (1)
- 5.1.6 Khetha ipendulo enembako kilezi ezilandelako.  
Ikulumo ethi, 'nawungavakatjha ungacabanga bona banebhujwana' ihlathulula bona ...  
A banomnyanya.  
B banomdlalo.  
C kunebhudu.  
D banefiso. (2)

5.1.7 Buyelela utlole umutjho ongenzasi bese ujamiselela amagama athalelweko ngesitjho esinembako.

Abafazaba nabo babambene, akukho ukunghwarana. (2)

5.1.8 Thatha igama elithalelweko emutjhweni ongenzasi bese ulisebenzise emutjhweni ozakhela wona kuvele ihlathululo ehlukileko.

UMfungelwa yena linghana ngokwentanga. (2)

5.1.9 Hlathulula imiqondo emumethwe zizakhi ezithalelweko emutjhweni ongenzasi.

Umfazi wokuthoma kaSoMfungelwa nguNoMfungelwa. (2)

5.2 Qalisisa isithombe esingenzasi bese uphendula imibuzo elandelako.

Kumnandi ukuhlala nabentwana bakamalume nokghari nidle okwehla esiphundu. Kwamambala umzimba ugcina uphilile ungotjheleni ngokudla okunepilo nokuzibandula.

### ITHEKSTHI G



[Sithethwe ku-[www.images.com](http://www.images.com)]

5.2.1 Buyelela utlole umutjho ongenzasi bese ujamiselela amagama athalelweko ngezabizwana zamambala.

Abentwana bathanda ukudla. (2)

- 5.2.2 Buyelela utlole umutjho ongenzasi bese ujamiselela ibinzana elithalelweko ngegama ELILODWA.  
Kumnandi ukuhlala nabentwana bakamalume nokghari nidle okwehla esiphundu. (1)
- 5.2.3 Tjhugulula umutjho ongenzasi ube sifaniso.  
Umzimba ugcina uphilile ungotjheleni. (1)
- 5.2.4 Hlathula umqondo omumethwe sisakhi esithalelweko emutjhwani ongenzasi.  
Abanye abomzala beze neentonjana zabo. (1)
- 5.2.5 Thatha isitjho esithalelweko etheksthini engehla uzakhele ngaso umutjho kukhombise bona uyayazi ihlathululo yaso. (1)  
**[20]**
- IMITLOMELo YESIGABA C: 40**  
**INANI LOKE: 80**